



文苑
翻
教

祭文

文苑

~ 20
2457
9



和
2332₉

20
2457
9



文苑補遺卷之十七目錄

祭文三 陵園墓

健元陵親祭文 三

貞陵告遷祭文

預備

貞陵親祭文 四

厚陵親祭文

獻陵親祭文 二

預備

顯陵親祭文

文苑補遺卷之十七目錄



預備

思陵親祭文

預備

光陵親祭文

預備

敬陵親祭文

預備

昌陵親祭文

預備

恭陵親祭文

宣陵親祭文

靖陵親祭文

溫陵親祭文

孝陵親祭文

康陵親祭文

穆陵親祭文

預備

章陵親祭文

預備

長陵親祭文

徽陵親祭文 三

預備

寧陵親祭文 二

崇陵親祭文 七

預備

明陵親祭文 十一

預備 二

翼陵親祭文 二

預備

懿陵親祭文 八

預備

元陵親祭文 二

弘陵親祭文

永陵親祭文

永祐園親祭文 四

魯山墓致祭文

昭顯墓致祭文

懿昭墓親祭文

孝昌墓親祭文

義烈墓親祭文



文苑叢書卷之十七

祭文三 陵園墓

健元陵親祭文

天生聖人錫以勇智肅將明威宣昭大義匪武是尚
 寔懋厥德民懷于仁用創洪業永孚于休弈世無替
 弓鳥之箴不遠伊邇勢即龍鳳守以熊羆有鬱松栢
 羞俎以時眇予小子忝嗣令緒仰惟前烈誠敢小紆
 肆展祇謁適值佳節霜露既降感慕彌切庶茲奉承
 垂諸萬葉恭陳蘊藻尚冀歆格 大提學 蔡裕 後製

健元陵親祭文

誕惟聖祖神武首出際麗昏墊化家為國德享天心
 謨貽燕翼在殷惟湯譬周之發宏綱大下絜其明備
 源深難涸基厚固圯遺澤遙遠丕冒一方矐彼維揚
 衣冠攸藏時序苒苒節屆秋涼霜原風高一木交戛
 撫時興懷增予怵惕潔薦羞醴冀垂歆格

藝文提學
李德壽製

健元陵親祭文

我祖受命明祖壬申命之弗顯展我文人巍乎功烈
 燦厥彝章貽燕有謨啓佑無疆眇予小子寤寐淵冰
 永懷丕圖何德克承撫茲小康式藉餘庥粵自龍飛
 舊甲六周昨秋興愴矧予暮境真頓肅瞻寸忱曷罄

矐言松梓霜露又零南殿餘慕來拜園塋山紆水長
 桂氣葱鬱陟降不遐一心對越創業維艱守成不易
 歷年彌永休恤在是允我遺黎昔所撫字豈無疾苦
 尚祈餘庇百世之思敬將牲醴倣斯經斯俯仰有優

藝文提學
南有容製

貞陵告遷祭文

維幽明之故兮理雖一而分則殊神道貴乎清淨兮
 豈前言之或誣稽諸古以迄今兮無墓藏於國之鄰
 禮官執此以進言兮大小臣僚之與俱茲卜宅以青
 烏兮得於城之東北隅水涓涓而演漾兮山靡靡以

盤紆置玄宮固其所兮孰云近夫塵區擇日吉余告
薦兮羌致酒以一斟冀淋靈之昭格兮叙悲愧以嗚
呼

預備

臨事有故未踐宿戒替其裸獻尚冀如在

貞陵親祭文

於惟列聖允昭淵德顯應天祿胤并坤極創基成物
協運恢則丕闡陰教流徽千億蘭儀幽邁今幾百年
惟我顯考孝思孝先載紉清廟載修山陵象設維新
客物有憑雨露既濡悽愴隧路眇予小子惕焉永慕

消茲吉日祇謁園塋遵豆孔潔庶歆菲誠

大提學
權愈製

貞陵親祭文

思齊聖后作配太祖粵在開朔寔著內助命于帝庭
毋我東人至化陰功流三百春鬱彼珠丘密邇城東
健元相望莽蒼之中躬傳祝香維恭定孝儀文之備
在我顯考小子纘績弗懈追慕禮曠省掃歲條十五
霜露戒序况近奉諱怵焉增感夙展于隧瞻言封樹
悅承徽音祇薦蠲饌尚冀居歆

藝文提學
金鎮圭製

貞陵親祭文

我祖初基厥有聖配家邦之興其助由內大業甫定

徽音遠背悼綸宸諭慰勅帝賚爰卜仙寢近接城闈
中間闕典朝野咸慨顯考敦孝彛章靡晦小子虔承
灑掃已再茲經奉諱又躬展酌循省封域霜露興慨
載瞻健元山川不礙永念乾道曾頌厚載閔睢之化
百福未艾肆我寶曆期千百代推功究德采增懋愾
聊薦精禋庶歆不昧

大提學金
鎮圭製

貞陵親祭文

有佺其園聖后攸藏密贊龍飛啓我家邦翟緯有煌
受命中廟枚枚太室百世靡祧化惟夏塗功則周龍
皇朝孝思犧瓊于裸懿安廟饗天道是復松栢崇岡

象設爾穆小子纒服尚稽躬省履茲霜露予懷耿耿
仙寢瞻掃吉辰于差尚冀恤我蓮豆孔嘉

藝文提學
元景夏製

厚陵親祭文

於皇聖德赫矣重光弘贊興運烈休夙彰英威桓撥
克平亂畧孝友因心孚洽家國謳歌攸歸誕膺洪基
垂衣穆清萬品咸熙神器有托脫屣天位高拱太上
茂迓純祉基命孔固謙光益尊深仁麗澤百世難護
俚妹儷德聿垂陰功鬱彼喬山月遊斯同地豈云遠
誠未克伸齊明掃灑爰卜吉辰永懷遺弓寔維斯月
霜露之履愴慕彌切恭瞻隧路儼然如覩庶鑑菲衷

昭降字佑 大提學 吳璠製

獻陵親祭文

粵惟肇禋胤啓神聖功隆化家德享基命炳幾夷難
拓世貽統彬彬禮樂洋洋歌頌乾坤施普日月光朗
既清化源高拱太上克開厥後迄用有成眇予小子
祗守章程永恭明祀崇樹園塋春序載回雨露興慕
消茲吉辰敬省隧路尚鑑誠忱冀賜降歆 大提學 權愈製

預備

臨事有故不得躬行遣官攝禮庸申微情

獻陵親祭文

於皇烈祖應天開國比周文武嗣有聖德功光創垂
道啓熙洽濬濂不泯典訓式昭眇予不類忝承廟祧
惟不克荷戒懼夙宵于漢之南有儼象設往在甲戌
寧考是謁俛仰今昔四紀其忽予感有在重以霜露
寧不慎疾其亟展慕園陵有神陟降如覩仰惟盛烈
俯念國事畀付之重凜焉欲墜其不顛覆寔賴眷庇
終始啓佑以延宗祚靈殿虛閭梓樹鬱蒼薦此忱誠
庶歆豆觴 弘文提學 宋寅明製

顯陵親祭文

皇矣文廟至德天成學懋心得化推躬行三紀莅極

大猷方軌真遊奄促窮谷亦涕鬱鬱玄宅隣近先陵
聖如同紂隧路連繩馭予小子承大曆服隔歲違省
心焉有惕茲消吉辰虔申禮覲寢閣重燬山原增色
氣序搖落松栢肅森瞻言永慕儼然若臨菲誠蠲服
肅薦泂酌於昭陟降庶垂歆格

大提學吳道一製

預備

臨事有故躬行未克遣官攝祭替申悃悃

思陵親祭文

洪惟端廟在冲嗣服篤生碩媛倪天媿極夙著陰功
柔嘉雖穆勛華禪授柔德彌勤東巡之後事難索言

竹淚長滋欄花又春杳邈仙遊掩翳芳塵一抔維揚
荒麓蓊蓊樵菊隕泣行路傷神重光盛典累朝因循
神理彌鬱輿情痛盡藐茲小子曠言疇昔一念愴傷
中心蘊結昊天孔昭有定必伸惟斷予衷寔先議臣
遵先王志稽我家禮事固宜然時若有待燬復天位
光宣大冊民謠士抃慶騰宗祏並隆坤極齊陞太室
煌煌彤管永揚徽烈寢園之制仍舊加飾百年蓬科
有儼象設父老改觀山原動色近在畿服茲伸禮覲
涼秋荏苒氣候搖落嶮嶮岡巒蕭蕭松栢顧瞻徘徊
增予心感克蠲芬苾虔薦悃悃幽明不隔庶冀降格

大提學吳道一製

預備

將行經事有故不躬替薦洞酌冀歆多顯

光陵親祭文

於赫皇祖聖智天錫迓命中興民歸一德大勳克集
有光前烈歷年永久樹立宏達業盛昇平憲章文物
睠彼崇崗有鬱松栢劍烏攸藏先后同域眇予小子
叨纘舊服夙夜祗懼明訓是則誠非少懈尚稽展謁
霜露既降瞿焉怵惕徂茲省掃躬薦洞酌陟降如在
感慕靡極至哀始伸庶垂歆格

知製教李殷相製

預備

當事有故未克躬薦遣官攝行誠則無間

光陵親祭文

於皇聖祖維德之盛功化丕暢謨訓有炳澤垂千億
祚以延永小子纘服早夜祗恭有儼仙寢維揚之東
自頃展掃黃鐘幾更擇栢入望時序愴情矧茲乙亥
歲回即祚追遠之感不特雨露指日戒駕何待消吉
拜殿餘燠又此省謁隧庭豎表工纒告成思齊聖后
禮紺東岡壺則既昭陰功式彰年年慈化誕彼邦域
巡路相連象設靡隔床薦穆清釀豆整飭洋洋在上

如聞如覲精神之通理有必然齋明蠲潔有鑑誠虔

藝文提學
趙明履製

敬陵親祭文

於休皇祖毓德震儲仁孝根性元良騰譽大位未陟
鶴馭遠昇蓄慶貽後聖神嗣興躋享太室歸美致尊
陟降洋洋垂佑後昆眇予小子續承曆服夙夜靡懈
祇奉蒸禴鬱鬱珠丘先后同紉文違展夙絜增愴慕
屬喪齊體近卜寢園萬世永依松栢相連氣序回環
春物方始消吉瞻拜肅將祀事靈殿邃穆儼然若臨

尚鑑忱誠俯賜顧歆

大提學
李奮製

預備

禮宜躬薦有故攝行籩豆既潔庶鑑徽誠

敬陵親祭文

於皇聖祖貳極膺命仁孝根性遐邇通迓頭前星遠晦
大位未陟毓慶貽燕聖子嗣服顯跡追隆情文罔缺
啓佑後人永垂徽烈藐予小子叨承遺緒虔誠禴祀
不遑寧處睠茲珠丘先后同域象設儼列靈殿肅穆
躬藏苾芬今幾歲月霜露戒序愴感深切差穀薦饌
敬伸微忱尚冀聖靈俯賜顧歆

大提學
姜覲製

敬陵親祭文

於昭皇祖與天配德騰譽元良正位貳極寶筮遠短
澤未下施積慶毓祥迺誕聖嗣揚烈歸美徽稱是膺
啓佑後昆丕顯丕承傳次小子式荷眷臨恭奉禴祀
夙夜祇栗瞻彼喬園展省久曠霜露既降撫時增愴
爰蠲吉辰虔伸禮覲鬱鬱珠丘聖后同域象設儼列
虛殿邃穆如在如臨洋洋陟降惟我先寢松栢相連
佳氣葱鬱永保萬年徘徊顧瞻慕仰彌深爾薦洞酌
庶冀格歆

藝文提學
徐命均製

昌陵親祭文

於惟聖祖英哲邁昔毓德春闈視膳監國諒陰畫禮

榮榮恭默君臨一暮化孚八域鬱鬱崇崗卜此玄宅
繼妃同紉儂然降陟藐予小子纘承寶曆久違省拜
心焉有惕今消吉辰齋服來覲喘嶮山丘萋迷松栢
顧瞻徘徊永慕增感菲誠薦酌尚其歆格

大提學崔
錫鼎製

預備

消吉宿蠲臨事有故未克親奠只切祗懼
昌陵親祭文

於赫昌陵配漢顯節斤斤睿明至今遺烈粵自監撫
夙宣義問典學于光宅恤自畫單心基命軫灾斥禎
一暮之化萬世攸程小子繼序成憲是監封域在望

時物增感迺躬以展禮遵建武鬱彼象設先后與紉
盛德徽音溢我後人洋洋陟降若有見聞茲薦斯饗
于寢之恤尚冀思成以顧以儆大提學全鎮圭製

恭陵親祭文

思齊聖后毓德敷陶克嗣徽音嬪于京室既豐其德
胡嗇其年追崇顯號儀禮罔愆玉欄花老蒼梧雲隔
寤寐仙寢拱抱其栢瞻焉涕灘餘淚在衣密邇珠丘
孤墓有依往者展拜恍如隔晨哀哀孝純新紉同原
賢而無祿畧同今古御筆賢而無祿略同今古左右改以遥瞻欲涕悲今愴古
陟降永冀眷撫重瞻象設節序增感祇薦洞酌微誠

庶鑑藝文提學李天輔製

宣陵親祭文

於穆烈祖丕顯百世允文允武禮樂攸制恤刑勸農
妣妣侔德窮髮雕題舉賓南北二十六載磐石洪基
思齊聖妃塞淵坤儀載貞載顯令聞温温鬱彼珠丘
覩天同園音容雖邈陟降在斯小子翼翼競烈維思
霜露既降愴慕深極齊躬祗謁遵豆孔飭洋洋赫臨
儼然如覲庶監菲忱將享其右藝文提學元景夏製

靖陵親祭文

皇矣聖祖無競惟烈政掃昏虐業隆興撥克定我家

基命宥密重道崇儒賢良布列厥享國久治化効達
於戲不忘百年一日小子承緒夙宵祇栗式遵成憲
罔敢墜失瞻彼喬園松栢森鬱憂虞未遑展省禮缺
霜露感懷入秋采切茲涓吉辰齋服躬謁薦祀有儼
黼座斯設洋洋如在陟降悅惚陳辭薦誠遵亘孔潔

尚冀聖靈降歆芬苾

藝文提學
徐命均製

靖陵親祭文

穆穆皇祖維烈無競夏康商武儂美斯盛耆功開後
小子承之柔兆仲呂有事繹思肅肅闕宮煌煌明燭
磬筦簋簠饗然若矚有訓有烈詔于百世因悟感懷

中興之歲匪曰克紹庶溢寡躬修攘懿德寤寐車攻
治效逾邈心焉惋傷曠茲漢南有儼崇岡差吉展省
愴慕采深陟降密邇敷情夙心怵然惕然祇薦洞酌

尚冀降歆既右有恪

弘文提學
元景夏製

溫陵親祭文

有崧其山有聳其原天闕玉衣今二百年禮理攸鬱
靡往不伸蓋翳之久象設維新殖殖陞祀肅肅松栢
履茲霜露曠言疇昔思齊聖妃德配中廟功隆扶日
光缺并眺瑤華鑠宛翠羽茹恨夫豈聖意寔掣廷論
事有至難非忽大倫糟糠之教汔今炳然粵我寧考

追復是議匪直未違蓋亦有待於戲小子其敢或忘
維茲縉禮式述二聖位正元后尊媿世室允愜神人
載蕙儀物爰洎寢園靡不加隆隧路有儼齋朝改容
躬來展敬迫此搖落永念始終願瞻愴惻蠲我荅茲
肅薦洞酌於昭陟降庶垂歆格

藝文提學
朴師洙製

孝陵親祭文

不吊于天今幾寒燠銀海鴈深玉欄花老凡有血氣
追慕深切半載亮陰豈惟滲漉噫天生聖蓋非偶然
是將大為曾不少延此理茫茫窮宙莫鞠廟躡陵名
空留行跡曷既形容於戲不忘予承丕緒思覲前光

每閱狀誌若見于牆今謁寢園采增感傷卜邇先陵
遺命所暨亦越倪天寔附于此神理無違祭祀攸同
森森象設肅肅靈宮登降伏興愀焉予心陳辭薦誠

冀賜鑑臨

弘文提學
徐宗伋製

康陵親祭文

因山功畢闕我五色龍輦返宮天語未接在上於昭
奈此恍惚肆即幽宮展敬形魄禮雖有防情難受節
誰瞻日角只覩馬鬣霜露助慘草樹含哀叫踊無聞
五內崩摧天高地濶嗚呼曷依求舒其慟反增其悲
俎豆寓誠庶幾歆格

大提學
李珥製

康陵親祭文

翼翼康陵配漢霸園盛德至善沒世不護眇予小子
祇承前烈監于成憲庶免墜失珠丘在望霜露既下
禮徵東鄰躬親掃灑鬱鬱象設先后同域徽音未沫
百載如昨於昭聖陟降洋洋眷顧後人錫福無疆
遵豆孔潔執事有恪尚鑑誠忱俯垂歆格

藝文提學
金萬重製

康陵親祭文

於皇聖祖克配上帝陟降左右洋洋如在二紀遺宅
沒世靡替園寢在東玉匣攸閑蒸嘗以時掃灑罔怠
節屆中秋時物遷改茲率元良展省松梓有儼象設

悅聞警欵念昔祗謁條爾升載霜露之感於焉一倍
式薦芬苾恭伸瞻拜明明在上庶歆芳醴

崔錫恒製
官藝文提

康陵親祭文

有他維園聖德之藏表以顯彌此彼周康於惟盛德
在冲已彰奉天以敬撫民猶傷允文且武靖園興庠
距脫宿壬茹進遺良明明之化如揭太陽亦粵聖妃
陰功莫量神器有托赫業彌昌眇予小子繼序敢忘
自我曠省五改炎涼屬病之愈增惕履霜爰展于隧
愴我中腸儼其聯寢冥翹羹墻盛烈徽音左右洋洋

庶冀監我居歆茲鄉

大提學金
鎮圭製

康陵親祭文

於惟皇祖至德夙彰化理克明邦國以康誠存墳典
禮勤弓旌敬天字民百度惟貞亦粵聖妃陰功配乾
徽音永昭彤管炳然眇予小子丕緒是承履茲霜露
愴慕深增載瞻靈園聯寢有儼躬薦遵豆祇掃床簞
儂然興感陟降左右庶賜監歆垂裕于後

藝文提學
尹惠教製

穆陵親祭文

恭惟聖祖實天生德入續洪業重新寶曆道恢文武
澤涵邦域駿開遠祥永垂徽績誕章雲漢暉麗日月

小子承基罔敢怠忽庶幾夙興率時顯軌分奉壽原
敬恭明祀烏弈光靈慈青陵邑雨露既濡瞻慕靡及
消茲吉日祇謁園塋尚冀降格歆此菲誠

大提學
權愈製

預備

臨事有故不克躬行遣官攝禮庸申微情

穆陵親祭文

禮重拜陵曰惟秋中不印自恤此心憧憧辰方在丁
別有愴臆昔我聖祖是歲嗣曆時則隆萬甲巳三周
中間滄桑帝壇一丘獨有盛烈赫著前日再造東域
萬世太室滲漉不沫啓佑罔缺眇予小子常懼遐佚

春秋霜露聿至于今感時撫事懷不自禁其亟戒馭

寢園于虔思齊二后象設相聯儼然肅然奚啻羹墻

登降展省仍薦菲觴豈無所慎庶幾自力鑑茲至哀

用垂歆格

弘文提學
徐宗及製

章陵親祭文

洪惟皇祖夙蘊玄德克自養晦聿懷景福載誕寧考

迓命中興大勳用集餘烈是承孝先尊顯微跡寔正

情文既備宗祀之慶鬱彼崇岡有儼象設羞俎以時

掃灑不缺眇予小子叨守丕基式遵明訓庶罔或隳

至于今休亦惟陰騭禮有未遑久稽祗謁節屆霜露

瞿焉怵惕乃供晨事躬薦馨稷曖曖洋洋感慕彌深

少伸至誠尚冀降歆

和製教李
殷相製

預備

臨事有故不得躬行遣官攝禮庸申微情

章陵親祭文

於惟聖德實啓天樞處阮逾亨玉璽夢符寶命重恢

大孝尊親緬禮既舉縉儀維新楚山張朝鮒隅同壤

崇岡象設永恭明享顧念小子嗣守遺業園塋隔河

瞻慕靡及悠悠日月淒淒霜露此時消吉祇省隧路

衆冠冥漠儼若有見尚冀聖靈降歆菲薦

大提學
權愈製

長陵親祭文

真遊歛遠其反如疑皇皇有望僂僂莫追春雨秋霜
載濡載冽日月幾何陵草已宿纍然我服亦既練之
徂茲省掃怵惕增悲珠丘象設銀海鴈飛音容靡接
顏範永違茫茫穹壤叫叩何依祇薦洞酌少展至哀
睠我先后同此玄宮陟降左右祀祭則及尚冀聖靈

共垂鑑格

大提學金
益熙製

長陵親祭文

於惟聖祖天錫智勇欽而遵養韜其大用應運龍興
黜昏代明若時雨降鼓舞庶氓權以濟艱孝彰尊親

治化洋溢蕩其無垠鮒隅之奠聖妃是紉術家訾議
其來盖久逮至今日災孽斯作邇覲遐傳衆聽為愕
予惕若是亟謀移奉睠茲月籠水環山擁爰相爰度
營是新壙前和乍攀劍烏無恙俛仰摧咽若昇遐初
吉原在望僅由旬餘瞻慕靡及返路如疑茲消吉辰
重申展儀象設僂僂容儀永隔履茲霜露增予怵惕
靈殿邃穆陟降如臨薦誠陳辭冀賜顧歆

藝文提學
李德壽製

長陵親祭文

英宗乙丑

於穆烈祖有恤其圉功隆撥亂義昭黜昏夏康周宣
奚倫攸叙蕩蕩箕疇茫茫曹黍詔于百世先王之志

眇予丕承夙夜以跂敢曰媿烈式懼不紹灑改曠省
幾換虛昂回思重光宛如昨辰覩妹同原象設維新
時序荏苒松栢有苑洋洋陟降雲馭髣髴捧日之川
籠月之山名若有俟鬼護神慳衣冠載遊無射于斯
錫茲繁祉我其受之厯澤深仁於戲不忘差吉掃灑
密通崇岡怵惕履露儼然如覲虔誠薦爵庶冀享右

藝文提學
元景夏製

徽陵親祭文 肅宗己巳

天方薦瘥予又集蓼荐銜痛心永結屬毛疇小子字
惟皇祖妃如怙如恃是瞻是依自有坤儀孰若聖后

十載陰功三朝母道壽膺微仁禮洽稱慶胡轉于恤
遽罹諸創心罄祝聖誠竭祈神但瀉清血曷托眇身
日月踰時霜露淹節方切展哀寧緩消吉往省珠丘
追思玉音尚如提耳敢不銘心承顏無路有淚澈泉
敬薦灌地庶格在天 閔黠製官
藝文提學

預備

既消吉辰紀未克躬心如不祭誠或可通

徽陵親祭文 肅宗庚午

慈矩永違寒暑環絙衣裳外除跼慕無憑明發不寐
祗詣園陵霜露既降怵惕難勝於皇祖妃實周任姒

顧我復我恩猶怙恃念予小子苻遭不天長樂承歡
以祈萬年禍猶未艾曾不少延祥制奄逾五情如摧
禮不敢過服祛飾哀慕切羹墻禮展灑掃鏡奩迭存
珠丘永閉侍御如臨瞻拜莫逮泣血陳辭式薦蓮巨

閱黜製官
大提學

徽陵親祭文

肅宗戊寅

小子榮榮風樹纏悲依仰盡孝惟皇祖妃仁壽七袞
毋儀三朝保佑恩篤邁宋女堯顯踰屢膺禮養愈隆
自罹酷罰痛苦在中長樂虛閭上無承奉永慕徽音
孤露增慟寢園再謁倏焉彌年消吉瞻掃情伸禮虔

虛殿邃穆象設儂儂執奠涕咽仰冀鑑在

大提學徐
宗泰製

寧陵親祭文

穹壤崩裂歲月祖逝真遊不返已踰中制夙夜靡至
愴焉銜恤園陵在望霜露感結疾病久纏情禮寔闕
復土虧功封石有隙如慕其往展省斯亟衣冠永闕
隧草將宿承顏無所泣血何逮窮天痛毒白日陰曠
噓言叩叫載蕙菲薄仰惟皇靈尚垂歆格

大提學趙
復陽製

寧陵親祭文

英宗庚戌

皇矣聖祖天錫勇智體合重乾運值中否動忍增益
奮有為志豁達規模密勿措置尊周攘夷春秋之義

任于一身日月天地統傳精一學貫終始推本孝友
旁達化理重道崇儒嚴宥愓起轉圜其量尤獎直士
山摧澤室雷厲風駛維天不祚中途劔棄赫赫烈烈
震耀千禩孫子有道何德以嗣并儲繼統年紀畧類
敢曰媿烈式懼墜美于羹于墻寓慕則是豈如園陵
休惕密邇中經多難禮展有俟精誠默感乃發宵寐
東望喬山此心如水勉以慎疾戒以遠次庭議則然
我思難闕先祖先后洋洋照荏若將提躡須來格止
帶嶠崗巒鬱葱松梓雲車風馬髣髴攸倚堯光禹聲
想像瞻跂邁豆既潔犧盛既備尚垂聖靈歆茲吉饗

前大提學
趙文命製

崇陵舊陵親祭文

肅宗甲子

於皇聖考令聞不已敬天勤民施及後嗣小子陰釁
弱歲失怙踐位行禮慄慄危懼承顏長樂慰此孤露
仰賴慈訓幸免顛覆罪深罰酷重罹荼毒宗廟之重
尚延視息履霜休惕瞻掃封域有佻松寢東西並列
昔我朝陵曾幾歲月真遊轉遠拱木森鬱撫躬獨在
終天永慕墨衰行禮先儒所許其敢或後式薦邁俎

尚鑑哀忱冀蒙眷顧

藝文提學
金萬重製

預備

展儀將舉臨事未躬祇替肆祀冀願微衷

崇陵新陵親祭文

肅宗乙丑

園陵草宿寒暑荐易履霜悽愴濡露增惕閔予小子
榮榮在疚含恤茹痛日月經久苟延不滅式至今茲
喪期不遠祥紉有時矧茲仲秋時物已變瞻掃陵域
展禮寢殿侍御如臨筵几徒設逾年再省觸目隕絕
終天莫逮孺慕益切哀哀聖母育我不卒永懷德音
心肝崩裂懼墜遺訓曷云報德泣血陳辭薦此洞酌
尚冀聖靈俯鑑哀誠

大提學李
敏叔製

崇陵親祭文

榮榮小子罪積不滅視息苟延至於今日儼然若覩
皇皇有望春秋迭代霜露興愴羽發不寐未遑寧處
爰稽禮典躬掃陵墓玄宮永隔封樹已繁仰瞻象設
俯察几筵鏡奩流涕前史所悲終天之痛今又過之
思齊聖母如周任姜澤及生民功在宗祊願茲愚蒙
信荷聖慈擁佑十載恩斯勤斯春暉草心曷云報德
奠觴一慟昊天罔極

大提學金
萬重製

崇陵親祭文

自予遭艱啣恤終天瞻彼喬陵孺慕莫宣日月不居
喪制甫畢冕服朝祖常事罔缺禮雖俯就情豈有極

時當濡露益切怵惕伸哀無所展省原寢時物屢易
觸目增感吉凶變除孝思愈愴泣血薦誠庶蒙顧享

大提學李
敏叙製

崇陵親祭文

肅宗甲申

翼翼聖考不顯其德配文徽柔符舜允塞行根於孝
政首以仁十六年間一心恭寅矧伊燕翼豐芑是做
而早于世傳序不肖雖荷壽裕恐忝所生幸賴慈儀
擁佑藐嫜功隆德至女克齊媿胡荐其背靡所怙恃
恩斯莫報曷伸至情朝陵有禮稽乎永平蓋嘗做行
灑掃屢親屬過喪餘孺慕如新羽發感懷亟展封域

履茲霜露攀彼松栢仙寢儼聯况奉晨昏從我冢嗣
薦以精裡抱孫之情幽顯無隔庶監孝思以經以儆

藝文提學
金鎮圭製

崇陵親祭文

肅宗戊子

於昭皇考至德光前睿智天錫精一心傳一紀治化
亶亶虞唐深仁厚澤茂世不忘藐予小子續承謨烈
泣血餘痛久而彌切睠茲衣冠托在近畿聖母同兆
先寢是依羹牆追慕鏡奩增悲節屆仲秋霜露興思
茲消吉辰展省封域喘嶮崗巒淒迷松栢象設有儼
微烈未沫升堂儼然况聞警咳畧具時羞薦此哀忱

文苑補遺

卷十一 祭文

二十一

尚冀聖靈俯賜來歆

崔錫恒製官
藝文提學

崇陵親祭文

英宗丁未

於皇聖祖顯顯令德仁覆萬物道冠百辟一心恭勤
垂十六稷燕翼之謨實貽後嗣眇予小子續承曆服
夙夜戒懼祇奉烝綸拘於禮制久曠躬謁瞻望崇崗
松栢葱茏聖妃同紉徽烈未沫翟禕彤管洋洋如在
羹牆追慕入秋采長履茲霜露曷勝悽愴矧復諱辰
一宵纔隔明發感懷載伸登陟灑掃封域悅奉警歆

敬歲芬苾冀歆芳醴

知中樞
姜覲製

明陵親祭文

肅宗壬午

嗟予不幸中壺禍酷昔喪賢妃繼建令德惟后至行
維孝之則端莊誠一率禮靡忒間經險艱采著淵塞
樂有良佐寔多資益友以琴瑟宜我家國謂神所勞
永享遐福云胡遽疾閔歲床席真遊遽促天路其邈
轉眄如昨倏已六朔忠現在身入宮無覿因山甫畢
祖歲又易時物變遷我懷曷極携我儲貳為展兆域
鬱鬱崗陵蒼蒼松栢象設儼列靈宇閔疢感念平素
有隕盈臆所期萬歲同此玄宅陳辭告辰庶歆此酌

大提學
李會製

預備

洞酌既陳哀薦不躬心如不祭誠或可通

明陵親祭文

肅宗癸未

嘻歲重光天禍壺闈予失良佐國無母儀維后懿行
可冠國風思媚聖母以勗寡躬中經艱危順信獲吉
矧伊勞瘁明德與區既優其德而畜于齒神理之舛
慟何可已去歲斯省方上甫訖喪暮再屆饋奠將撤
爰挈冢嗣重展兆域封樹已鬱靈殿長閭悠悠我悲
奚啻望陵操文抒懷奠右豆登

大提學金鎮圭製

明陵親祭文

景宗辛丑

於赫聖考配天立極道本修齊化行邦國闡明義理

民彝物則億兆願戴佇膺華祝一念憂勤留神燕翼
倣古叅決以命不穀唐殿代勞周寢嘗藥皇穹降割
痛予無祿履位怵惕五內焚灼日月幾何珠丘永隔
弓劍莫追真遊杳邈顧瞻滢滢于何憑托明發有懷
來展封域象設仍舊新閣驚矚俯仰摧裂如求不得
昔奉鑿輿助薦芬馥今携衰經並稱洞酌靡怙靡恃
孺慕彌篤含恤終身曷從報德冀監微誠以綏以倣

大提學李觀命製

預備

臨事有故遣官替奠心如不祭誠則罔聞

明陵親祭文

景宗壬寅

自行展掃奄周一歲春陽載回萬事血涕悠悠日月
孰挽遷逝存聲像容寢成晡翳服訓銘教恒恐失替
永念至德冠絕萬世積累精一薰徹氓隸誕撫艱大
苞桑是繫嗟今凜綴若涉無際尚藉餘麻萬一其濟
新建元良永托承繼宗祊慶溢億兆望係今當再展
與共祗詣新園舊寢痛均靡逮宿草露濡拱木雲閉
俛仰哀踊肝心若剝窮天之慟洞酌是摺

李光佐製
官藝文提

明陵親祭文

英宗丙午

於皇聖考邁古華勛功烈丕顯倫彝克敦憂勤萬幾
四紀一日深仁厚澤洽于動植大根既立治具畢張
誕膺尊名景貺彌章之德之純嗚呼不忘華祝方申
文齡遽減雲遊渺邈霜露淒感爽惟配德彤管齊媿
鮒隅同壤仙寢密邇千秋享右式昭裡祀小子嫫嫫
荐違夜蚌茹荼集蓼血泣哀實遺緒是承夙夜祇慄
明發有懷顧慕愴怛尚闕展掃情曷有極直以禮拘
至心莫伸今當變除亟消吉辰躬親奠酌淚落遺劔
登岡陟麓曖然如聆嗟我聖德巍燬難名洋洋在上
永綏後伺啓佑罔缺俯鑑忱悰

大提學李
宜顯製

明陵親祭文

英宗壬子

遠在憂服三載曠掃每降霜露曷勝愴悼喪制既訖
 展省宜早粵瞻松栢其亟戒道觀德于廟丕顯文考
 上帝攸眷百祥以報五紀在宥躋治熙皞雲遊香漠
 閔幾寒燠於戲之思下均隸皂小子不天蚤失詔告
 間遭愍凶忝承大寶淵冰一念思不克保邦其扞捏
 重以旱澇仰惟陟降亦應憂惱其不顛隳寔賴覆燾
 終天永慕靡安錦栢今來展拜淚落宿草暮朝瞻陵
 往跡可攷象設如昨梓木盈抱聲容儼然哀徹穹昊
 啓佑之眷俯伏默禱一慟獻爵天地欲老

弘文提學
宋宣明製

明陵親祭文

英宗庚申

自頃展掃五期于茲霜露迭降氣序屢移明發之懷
 曷云其既廟謁之常未足自致梓栢入望我心西悲
 其亟戒馭寢園于祇殿宇淒閭象設有儼仰俯今昔
 倍此感念於乎盛德滲在下地沒世之思親賢樂利
 在後之侗賴克罔墜上奉東朝殆近二紀新舉綉典
 愴喜交至追惟昔年恍如昨事羹牆栢捲隨處增慕
 三周封域哀徹心腑真爵伏興若奉警咳

明陵親祭文

英宗甲子

於穆聖考有恤寢園卑宮邁禹協邦侷勳敦儉至化

啓佑後昆思齊聖母鮒隅同原翟禕塞淵彤管攸存
眇予小子仔肩是承繼述維思夙宵淵冰徂茲崇岡
夏潦滲溽土圯封罅于胥兩陵中夜震惶明發靡寧
宿蒞頽損有司續報憂惕日倍敢緩躬造爰咨敦匠
穀差以告恭瞻象設儉德昭揭洋洋聖謨厚陵遺制
聿修聿改是倣是繼斟酌經紀寔遵先志追惟困敦
尚滿血淚陟麓環封劔鳥永闕摧痛曷逮穹昊罔極
肆薦明禋籩豆孔飭罄畫菲衷尚冀歆格藝文提學
元景夏製

明陵改修親祭文

英宗甲子

園陵有事躬省敦役日吉辰良工築既訖土完蒞新

儀度罔缺穆穆玄宮千億惟寧日再躬薦宛若定省

敢告厥安庶歆徽誠

藝文提學
元景夏製

明陵親祭文

英宗戊辰

維皇聖考有儼仙寢小子茹哀升有九稔續緒多忝
踐位增怵冀庶遵紹懼或遏佚於戲至德天降神聖
緝熙之學清明之政化基敦倫義炳尊王區域寧謚
曆服靈長太室顯冊真殿寶幘光前烈大貽後謨正
于今二紀夙夜靡懈時旣艱虞年又衰邁上而天警
下而民殫中夜永懷先朝盛際于今以下四
句自上刪去園陵歲
曠霜露秋零乃飭齋服載勤隧庭思齊聖母禮紂同

原治贊宮闈譽叶邦媛昔在提孩最荷慈育隆養莫
逮孺慕靡極雙瞻象設父母孔通儂然若聆俛焉如
企穹壤悠漠心隕涕洟顧我之恩幽顯罔間惟祈啓
佑毋俾慳先陳辭薦誠庶歆豆弘文提學
趙觀彬製

羽陵親祭文 英宗辛未

有恤靈園三歲曠省霜露初降御筆初降
改以興懷怵焉增愴

不遑寧處聿來展拜於惟聖德惟天其大文謨武烈

豐芑百世窮谷含生尚有餘涕瞻彼梓栢拱抱其鬱

哀我榮榮居然皓髮御筆居然皓
改以莫報毫惟德不類式懼荒

墜險阻艱難閱歷萬事御筆險阻艱難閱歷萬事
改以嗣今幾載修舉何事元

良代攝御筆元良
改以遵古匪敢暇逸陟降在上庶幾冥隲錫

我嘉孫俾昌邦錄眡茲涼德何安景福致隆長樂顯

踴增輝不洎之痛靡所瞻依潔予齋服祇見隧門儂

然如覲悅奉晨昏迺瞻時憂御筆迺瞻時憂
改以朝象國事若川無

際願率眷顧御筆願率
改以惟願庸克弘濟思齊聖母仙寢同

原撫我育我莫報慈恩御筆莫報
改以河海俛仰疇昔百感攬

中戚晬日凋御筆戚晬日凋
改以欲孝難追彌愴予衷象設儼聯左

右洋洋冀鑑寸悃俯格洞飭藝文提學
李天輔製

翼陵親祭文 肅宗丙子

瞻言賢配天倪令姿久闡陰教樂聞良規十載相莊

情摯義彌渫灘往事欲語淚垂鬱鬱珠丘先寢是依
光陰倏忽星物換移今拜二陵歷過山阪撫念平素
存想容徽亡鑑餘痛尚切于懷精爽不昧庶歆茲庀

大提學崔錫昂製

預備

遣官攝事替申奠儀未克躬行盡焉以悲

翼陵親祭文

閔予小子禍纏中闈忍言前冬悲隕莫追日月不居
將及初暮餘痛在中歷歲未衰始迫忌畏終戒疾疢
凡諸喪節不克自盡歛未視含奠未憑棺因山未幾

宿草已寒慙負恩義若何為心霜露纒降痛悼彌深
瞻拜展哀豈不在今二陵聯麓輦道同林山椒疇歷
松栢蕭森像設虛存靈閣常陰祠官女御薦陳若臨
入循兆域旁眺岡岑回想平生緬懷德音長呼一慟
涕下滲淫幽閑之操金玉之儀已矣此世無復見期
悠悠九地孰知我悲茲奠薄具備以哀辭情不可極
理有必感精爽不隔尚冀降鑑

懿陵親祭文

英宗乙巳

大提學李敏叙製

閔予小子不吊穹昊含恤茹痛觸境彌新天時荏苒
奄屆秋殷日月幾何練祥又臻聲容莫接荼蓼增惕

感慕摧隕予懷曷極於戲聖德沒世不忘續我寧考
夙夜思養湛恩厚澤洽于遐裔五載端臨一心寬惠
降割斯遽天胡不仁會下之日至情莫伸追思沆今
悲恨架切春初一省詎能少減常事甫訖復詣園寢
徊徨隧路撫攬梓蔭真遊未遠象設猶儼愀然優然
若或降鑑幽顯雖殊感通靡間冀右微忱昭假薦灌

大提學李
宜顯製

預備

明裡將歲有故未躬心如不祭誠則可通

懿陵親祭文

英宗丙午

小子不天苻罹憂懼嫫嫫在疚哀永無垠於皇聖哲
德著懿純續承丕基政先寬仁庇覆眚末克濟于屯
繇予罪衅曾不少延憑依慕望惟有寢園前歲再省
豈伸忱恂年律初更又屆中春時物轉換露濡增惕
爰命涓吉亟申祗謁真遊漸遠封樹已鬱追惟聖德
想像音容徘徊瞻眺彌愴予哀躬薦明裡周紓至情
冀賜顧歆經我思成

大提學李
宜顯製

懿陵親祭文

英宗丁未

前歲之春祗謁仙寢循覽封域架切愴感聲容緬遠
時序荏苒限以禮制過祥及禫筵几已輟慨廓彌甚

文苑補遺

卷一 祭文

三十九

於戲聖德寔根天稟五載端臨八方乳衽云胡降割
神化忽歛湛恩鴻澤在人猶滲予伺而嗣益增危慄
瞻言往事華萼有枕羹墻之慕敢弛咫暫曾幾何時
倏易三稔珠丘入瞻象設其儼新陽動矚餘哀在念
茲命消吉爰戒馭轄登展隧麓悅攀弓劍恭蕙精裡
予涕難禁幽顯雖隔一理靡僭傲辭薦誠尚冀俯鑑
大提學李
宜顯製

懿陵親祭文

英宗庚戌

閔予小子違禍荐酷庚甲之歲天地崩圻中間變故
國本又祿禬然一身靡依靡托賴有母事慈履倅天
飭躬貞靜秉心塞淵寧王所恃文母之則德著保護
恩均顧復並尊長秋承歡七稔疾患為崇蓋自冰苦
惟幾之際尚眷眇躬誠孝淺薄刀圭罔功奈簪告災
珠襦遽闕同原營兆寔遵遺旨玄室圖詩手澤攸存
方中從儉民誦仁恩志養未卒至痛在心消日來省
涕先滲淫雙寢有儼宛如平昔倘有精靈庶賜降儼
藝文提舉
徐命均製

懿陵親祭文

英宗庚戌

於惟盛烈蒐蕩難名化自淵默運撫盈成因心大德
迥越百辟萼樓長枕融融至樂家邦之御厥有其源

真遊遽促邈彼寢園顧予繼體榮然孤寄天不悔禍
又失母事馳馭遠駕鮒隅從奠象設森嚴一岡下上
甫完復土爰戒輿衛攀髯餘痛復此展拜丘墓原栢
宿淚未乾舊哀新悲百感摧肝國勢綴旒邦禍荐繇
陟降有靈想同盡然徘徊瞻眺儂如其臨一理感通

寧不格歆

藝文提學
徐命均製

懿陵親祭文

英宗壬子

流光電駛真遊日遠撫時增歎願影摧悃屬歲之新
寒徂春返桐葉欲吐花萼將綻舊歡劄心新感觸眼
拜節神門展誠靈館於惟聖德誕登于岸庶藉陰隲

重庚斯遠陳辭涕洟粗叙哀邁尚垂睠顧歆此薦灌

大提學李
德壽製

懿陵親祭文

英宗甲寅

自頃展省再經歲籥象設在望取其如昨屬歲之新
倍增愴慕其亟祗謁迨春未暮仰惟盛德允邁百王
滲漉所暨國賴以長宗祧之重挈予而托不有積累
詎無顛覆世道百變邦運日否陟降眷顧願率其賜
鮒隅之紉亦條屢載俛仰今昔百感交內溪桐抽葉
野花含萼瞻依靈殿尚庶歆格

懿陵親祭文

英宗庚午

弘文提學
宋寅明製

曠焉展省屢易寒暑每瞻喬山采增愴緒洪惟睿聖
續歷克寅率土涵濡厚澤深仁愛我眷我弘濟于否
中間萬事率賴餘庇蹈訓罔懈夙夜載栗歲月流轉
予今皓髮上奉東朝元良在傍遺慶所暨宗祧無疆
洋洋陟降想同嘉喜爰遵舊章命攝予理匪敢倦勤
苦心是伸於戲可忘之德之純節屆秋殷撫時興悲
祇覲仙寢我御毋遲天崩餘淚矧逢是月徂徨隧路
松栢蕭瑟有儼象設聖妃同原陰功博厚最荷慈恩
緬懷疇昔愷然如覲惟潔惟誠庶冀歆格

藝文提學
李天輔製

元陵親祭文

當宁丙申

於赫皇祖天縱聖智孝通神明學典終始穆穆垂衣
五十載治對越于天子惠于民堯老命攝精一以傳
彼欲沮者為集為鏡賴聖克斷宗國永鞏恭職分勞
夙夜祇敬愛日之誠尚陵為祝胡天不吊真遊杳邈
乃踐于宁棗棗含恤逆誣于天噫其忍說嚴討恭行
敢墜明訓山陵有期光陰倏迅劍舄永闕穹壤茫茫
厥兆維何寧祖舊藏無故而遷謀夫不逞有積秘護
迺復奠聖咫尺健元儼侍陟降曩未臨隧悠悠至痛
今來瞻掃霜露悽愴儂若有存竟莫覲聞泣血陳辭
哀薦豆籩尚鑑微悰歆此精禋

藝文提學
鄭履煥製

元陵親祭文

當宁戊戌

仙遊一遠歲月何遙常事云過祔禮已消嗚呼曷依
心之廓然矧茲春暮零露滋泫薄言汎掃喬山之巔
有樹蒼蒼有草芊芊粵自哀省于今經年居然時物
亦買而遷俯仰踟躕邈矣雲輶惟餘志事小子勉旃
勉旃維何愛民敬天非遠在耳又垂之編庶幾无數
率由心傳皇祖有靈保佑罔愆我我奉璋秩秩承籩
宛彼昔歲視膳之虔大提學徐命膺製
弘陵親祭文 當宁壬寅
思齊聖母德合壺正承乾以貞無私曰聖克配英考

密勿內治代邸京嬪備閑轄危邦運載泰陰功乃見
四紀協贊周簪漢練孝盡東朝慈止貳極歌膠化洽
薦蘋誠篤予在髫齡恩荷含飴三時在抱兩宮承怡
惓惓內記宛矣如昨瞻彼仙寢有拱其栢花老玉欄
芳留彤管小子嗣緒未堪多難永奠邦籙寔賴靈庥
重輝佇慶景貺將周歲回辛壬愴慕交至達城故宅
贈秩錄嗣禮陟之月穀朝祗謁降監微悃歆此芬交

藝文提學徐有隣製

永陵親祭文

當宁庚子

位彼靈園昭考攸寧粵自冲年聖謨是型瑜珮温恭

文苑補後卷一 祭文

三十三

庶幾紹庭如何懿德未享萬齡上帝陰隲有篤其慶
皇祖代天大倫斯正眇眇小子欽承休命居然受瑁
惟自祗驚乃遵遺訓顯踊始揚文母并紉宗統無疆
祥制既終孝思則長白露初零采增感傷肅肅其寢
松柏森森取光雖闕仙駕如臨儼然陟降若聞德音
薦此洞酌用伸菲忱

大提學黃景源製

永祐園親祭文

當寧丙申

有恤者園有鬱者栢星霜幾何音容云邈惟皇叔父
早正貳極攝堯之政萬幾一日云胡不吊奄降大割
時予冲齡乃丁斯酷哀哀莫報蓼莪忍讀得有此日

繫皇祖恩仙馭倏升上天不仁恤予宅宗早夜勤憂
肇稱崇典式彰顯休園寢有巍謚冊斯煌載至載謁
自彼元陵怵惕霜露舊哀新痛徊徨隧路茫茫穹壤
愴乎如聞而求不得敢將微誠敬薦洞酌洋洋在上

庶垂歆格

藝文提學鄭履煥製

永祐園親祭文

當寧戊戌

小子含恤今幾寒炎終天之慟恒如枕苫宮曰景慕
門是日瞻鬱其松柏衛彼黝檐有誠長懸有淚長沾
矧茲新春零露廉纖誣誦靈宮餘哀猶鉗怵焉斯懷
鑿路鼉嚴馨香式薦淒日在薦儼然如聞上有雲杉

文苑叢書

卷十七 祭文

三十一

舊悲新感觸境載兼旨酒既清洋洋降監

大提學徐命膺製

永祐園親祭文

當宁辛丑

惇予小子早歲含恤踰高履厚此痛靡園鬱彼園寢
有儼象設哀我未遑瞻掃久闕氣序流遭修屬炎節
矧茲奉諱隔以一月拊時追舊我懷焚裂消日齋誠
經歲來謁精神字顯一理無闕洋洋孔通庶格芬苾

藝文提學金煜製

永祐園親祭文

當宁癸卯

靈園孔位有毓其德積茲休祥垂于無極小子承基
惟自翼翼皇天錫祉一理靡或篤生元嗣永綏宗國

八朔之間克岐克嶷歡忭之聲溢于邦域乃上顯號
慶儀是飾齊明來省以告心惻洋洋在上庶鑑悃悞

大提學黃景源製

魯山墓致祭文

羊除之際幼冲之年天命有歸峽土是遷邈彼孤墳
大江之滸累朝封植安靈有所享祀罔缺寔薦籩豆
自經喪亂未遑遵舊宿草荒墟香火淒涼予用惻軫
疚焉不忘茲消吉日禮官將命替奠蠲潔緬慰泉壤

知製教李殷相製

昭顯墓致祭文

文苑補遺卷二十七 祭文

昔長陵世蚤建儲貳仁聲既著否運斯值間闕鶴駕
歸自燕塞少海方潤前星遽晦逮我聖祖情隆孔懷
躬展于塋以寫至哀爾來幾歲梓樹就拱屬省先園
伊邇其壠緬念舊事增予心感茲申替薦尚冀歆監

大提學金
鎮圭製

懿昭墓親祭文

當宁丁酉

於休我兄幼而岐嶷天潢正源殷嗣之嫡兩宮舍飴
依光貳極位躋早定周祐將篤天胡降灾孫星奄落
象衛載設密通西郭惟予嗣位榮榮恤宅未即拜墓
西望城城夙駕載詣敬薦黍稷丘木成拱令儀真漢

因心之友惟光載錫靈其在上降監昭格

大提學李
徽之製

孝昌墓親祭文

當宁丁未

栗木之岡墓草已宿既歷寒暑且換歲籥哀彼宜嬪
幽宅相望繞膝之歡想如平生獨奈國本所待亦虛
元正緝儀邦慶云初雖麟之應倘天有意欣欣春物
適釀予淚百蟄皆蘇爾何獨否撫墳一慟泐酌以侑

大提學金
鍾秀製

義烈墓親祭文

當宁丁酉

赫赫義烈德繼毓祥誕啓休慶篤祐宗祊相我聖祖
恭儉慈良棄予小子奄過十霜生辰在即感懷彌長

文苑補遺 卷之七 祭文

三十一

來奠芬苾庶歆清觴 大提學李徽之製

文苑補遺卷之十七

文苑補遺卷之十八目錄

祭文四 社稷

春享親祭文 二

預備

秋享親祭文

預備

祈穀親祭文 十二

祈穀攝享祭文 三

祈雨親祭文 十

預備

文苑補遺卷之十八
祈雨攝享祭文
祈雨報謝祭文
祈晴攝享祭文

文苑補遺卷之十八

祭文四 社稷

春享親祭文

於皇明神主國封圻舍弘廣大持載無私生物不測
柔剛其道功大六府德重三寶肆當初服首舉殷儀
祇薦玄牡庶右享之 右國社

寄旺物先博厚奠下謙卑上行承施大化庶類林林
咸被胎育即始成終莫非爾極禮宜從祀精意我將
神其格思降福穰穰 右后土氏

於皇田祖克配彼天介我黍稷迄用康年萬世永賴

文苑補遺

卷之十八

祭文

一

三苑齋書卷十八
蒸民乃粒禦災捍患神其予恤祈賽有典予薦菲薄
庶鑑微忱報以介福

右國稷

吳健製

預備

於穆靈壇將親時享有故攝行尚冀格饗

春享親祭文

皇矣惟神為國太社寔司方土有博其化生民所庇
品物所載永綏邦家德崇功大肆尊秩典自我列祖
小子纘緒忝神人主常謹其享亦祈而祝思耆祇肅
庶徽第祿維春之殷節屬明禋茲躬薦灌冀饗芬苾
右國社

猗歟惟后寔嘗勤事水土以平施茲美利六府允治
群黎斯阜德叶隕然克博克厚遂報以祀于社是配
願予忝位勉修舊禮允有災厲亦輒籲神既藉神功
又恃其仁時當春祀親奠幣璧尚鑑虔精庶賜明儉

右后土氏

於赫惟神實尸民天有嘉其穀有康其年穰穰萬實
孰非所總允我黎黔賴以有養德隆澤豐普施無極
而予司牧每卹民食故於享祀虔而勿懈月屬夾鐘
東作斯屆緬懷厥功躬薦于壇不憚我燠冀降神眷
右國稷

文苑補遺

卷十八

祭文

七

思文惟后克勤於民職司播種教以耕耨秬秠糜芑
是藝是穫烝民乃粒丕率以育功參三后德被萬年
予於稼穡恒軫其艱每讀周雅景后臧烈裡祀之禮
罔敢或缺茲涓日吉飾冕莅事尚垂鑑顧歆我蠲饗

右后稷氏○

金鎮圭製

秋享親祭文

於赫明神庇我東土求無不獲德與天普乃如今夏
早暵孔酷惠之靈雨若暘之沃春秋吉蠲則惟常秩
用虔躬薦永垂休烈

右國社

於惟陰祗配乾元亨厚載含弘萬物資生祈報之典

蓋自中昔以興嗣歲曷敢不肅吉戊嚴蠲誕禮惟虔
是願是宜永錫康年

右后土氏

尊並太社司我民天穡事是力賴以有年惟人所恃
有國攸崇旣旱而雨亦誰之功我祀如何薦以牢牲
非以為報式昭微誠

右國稷

粒我萬民百穀之元列于方壇是奉是尊義均答陰
禮隆報本維秋日吉罄予哀悃顧茲時詘未遑盛服
矜此子遺錫以戩福

右后稷氏○大
提學李景奭製

預備

宿戒詔誦時享將親臨事而攝尚願茲芬

祈穀親祭文

於惟國社寔司方土佑我邦家永永無斁達天之氣
伸地之道我蒙神福神受我報前秋告歉民陷于死
豈伊矯舉陳信有愧嗣歲方至祈年正殷吉蠲為饗
躬奠苾芬匪敢自赦尚微神惠錫我多稔俾無疵厲

右國社

緬惟后土寔有神功叶贊厚載德施厯鴻資我六府
殖我百昌粒我蒸民歲維其常徂茲之饑實惟予咎
無辜盡劉哀彼黎首我餐忘味寢興憂厲用待上辛
用祈嗣歲神固民郵胡寧不願庶幾昭昭鑑我哀訴

右后土氏

於惟國社寔司稼穡黍稷稻粱禾麻菽麥苗秀穎粟
耕鋤鉉穫罔非神賜粒我民生云胡前歲一不順成
三農俱失百姓盡劉恫予否德貽神之羞日夕遑遑
靡屆靡濟茲消吉辰祗薦牲幣罄陳忱誠恭俟嘉惠

右國稷

緬惟后稷寔播百穀高下原隰先後種稂耒耨之利
稼穡之宜萬世永賴我民無飢名疹致災予德有耻
艱食鮮食神思由已矧伊盡劉寧不盡恫無予民憎
惠我以豐禾黍穰穰無害蟲賊式時報祀敢愛牲璧

文苑補後

卷十八 祭文

四

右后稷氏○大
提學朴泰尚製

祈穀親祭文

於昭國社寔司方土配天澤民厥施斯溥式化五府
肇我邦基列聖相承報祀以時自予忝位歲謹牲幣
虔恭一念夙宵靡懈無誠不倣有感則孚屬茲殷春
萬品昭蘇茲消吉辰躬薦洞酌靈其降監歆我昭格

古國社

緬惟后土寔配大社厚德載物式闡弘化六府允殖
生靈所依功利遠覃莫我邦畿眇予小子忝主神人
庶幾夙夜克謹精禋虔誠秉禮一心采勤屆茲春仲

時物維新齋躬蠲潔薦此菲薄神其監茲冀賜歆倣
右后土氏

於昭國稷寔主稼穡三農既乂萬實時熟烝民乃粒
澤洽一方環域群生受惠無窮予承丕緒享祀罔愆
永惟功化匪秩常文念民之艱不遑暇食殷禴有期
屬時東作潔牲蠲饗躬薦明禋靈其降臨惠我兆民
右國稷

緬惟后稷配天立極載度土功教民種穫方苞穎粟
罔非神惠民今受賜萬世永賴眇予嗣服尤軫穡事
言念神功不怠禋祀有感則通有禱則應禴屆鳴鴻

正急農政消吉齋躬寔薦牲自神其降騰庶我眷佑

右后稷氏○崔錫
恒製官藝文提學

祈穀親祭文

維社主土繫民所依庇覆惠濡厥有神機國以是活
降格不遲眇予嗣服維德弗類神莫我恤災青流摯
乃於昨年早暵愈酷思之沆今尚有餘感茲當發春
躬歲圭璧虔誠祇告以祈年穀庶幾多稔蘇我捐瘠

右國社

維神載物德施溥博資我六府佑我百殖自予忝位
咎徵滋多旱荒相仍黎元率瘵念茲致災專由不辟

哀彼無辜胥將溝壑神之格思寧不斯盡縱予罔顧
民其可捐茲差穀朝親祈齋壇錫我康年用軫民天

右后土氏

維國有稷寔主稼穡靈應夙著報施罔忒烝民迺粒
莫非爾極云胡前歲告歉斯酷縱由否德神亦宜戚
往事既已新元鼎至滌災迓休惟神所賜茲竭忱恂
親道壇壝冀惠我寧用彰陰功杭稔充羨民樂年豐

右國稷

曰惟后稷其始播穀耒耨之利兆民允殖澤流永世
邦有常奉予主臣民未格誠惶名泯致異罔非予愆

右后土氏

卷十八 祭文

六一

今春載屆祈頌正殷潔齋將事虔薦苾芬亟斡化樞
經我豐年無害蠹賊無損早滂靈爽孔昭鑑此祝禱

右后稷氏○大
提學李宜顯製

祈穀親祭文

於惟太社惟土是職載震載淪長茲黍稷胡今告災
穀用不殖嗟彼黔黎惟艱厥食神聽孔昭寧不斯惻
農祥晨正土膏將釋消吉齋誠案醴是勅尚垂陰騰
豐我稼穡右國社

坤厚為德乃配乎乾長育萬物陰功是專咨予涼德
災咎是挺歲告其凶我稼率瘠靜思厥故予省予愆

予感斯籲神尚垂憐其禾穰穰盈彼甫田無艱厥食

躋于有年右后土氏

穀惟神司俾我民粒俾苞俾方以豐以給胡今不然
災歎洊及婉婉赤子啜其垂泣彼顧何辜咎宜予執
薦誠丐恩予用是急雨暘不愆穰穡場入民固神依

神賜尚洽右國稷

繫我農師樹藝教民功存永世利博仁人閱予寡德
罔克媚神歲既大無有枵其困彼民孔愍謹宜予身
辰集天廟節屆首春淳濯潔齋薦茲明經冥應不忒

庶垂深仁右后稷氏○大
提學李德壽製

文苑詩後卷一八 祭文

文苑叢書 卷十八
祈穀親祭文

惟社於國繫民所庇曰禎曰稔蓋主張是維歎維稔
前後懇籲不恒其應豈有他故誠欠豫積德之維馨
是用大懼罔敢違寧而退交謁省自虔肅趨春之首
祈秋有獲為民一念于茲辨香雨暘曰時年其降康

右國社

惟神司地厥功配乾國有休咎機緘其間否德在位
屢警于歲因予德薄祈弗蒙禱豈神不惠誠或未格
冬暖春寒冀望麥熟爰差穀朝敢致懇祈匪黍其馨
式禮庶幾不予鑑哀冀彰陰功調順兩風俾樂歲豐

右后土氏

惟稷於國寔司民命粒我烝黎功莫與競厥或奏艱
民亦曰殆予自臨御所重斯在有關于民罔敢或忽
記在前春躬耕以率違其所料或不登熟豈其忱懇
或未遍格為民齊潔更籲明神登我百穀以福斯民

右國稷

惟神司農播穀其始實方實苞維糜維芑兆民允殖
萬世永賴允在常奉宜蒙庇濟緣予否德神不我寧
荐歲以飢捐瘠相仍為民父母云如之何茲趨上辛
躬祈嘉禾罔曰誠菲有相于穡多黍多稌俾養康食

文苑叢書

卷十八 祭文

八

右后稷氏○藝文
提學徐宗俊製

祈穀親祭文

當守己亥

維國社氏配乾理物厥祐匪常迺眷有德民受旱澇
咎在不穀新陽肇和東作在即哀我浮黃載執耒耜
民惟予依予則神恃膏雨隨降條風煽起大有之慶
冀書于史 右國社

維后土氏德博而厚真我疆域載以悠久迺蕃迺殖
莫匪爾極云胡近歲民艱其食果誰執咎予慙自新
天理好還坤道體仁宜恤無辜矧值新春齋誠默禱
牲幣是陳 右后土氏

維國稷氏永主東域惟禎惟稷曰善曰惡神豈私惠
洵自人辟予省予愆宜其不格率痒稼穡屢失年豐
奚辜萬姓寧丁寡躬歲云改矣犁星在東未黍穰穰
祈神之功 右國稷

維后稷氏始播百穀萬歲永賴功著粒育允我樹藝
繫神攸主克配炎后肇稱田祖逮予嗣曆念篤誠敬
曄胡肆愆兩輒至禋縱弗恤我可哀匪民今歲之豐
虔祝于神 右后稷氏○洪國
榮製官藝文提學

祈穀親祭文

當守庚子

皇哉博我維社之德尸厥百昌丕真日域國賴以繇

文苑叢書卷十八
民賴以穀藐予弗惠荐罹無食昨秋之登曷云心釋
餘傲在中寤寐斯惕齋明翼翼傲我所欲所欲伊何
屢豐無數 右國社

坤輿載物神枋厥功承彼圓靈彰施厯洪自我祖宗
神惠是蒙微神庇庥疇托寡躬我念民天恤焉憧憧
宵興視斗寅杓崇崇履自元龜不違在宮監我吉蠲
陳錫以豐 右后土氏

民依者食食資於稷國土孔膺孰非爾極昨歲告穰
曷以報德神實惠民匪我誠儆若經瘡痍民甫衽席
心焉凜恐有從平昔神若保佑何有登熟壇燭有燁

照我祈祝

右國稷

維天生民維神育民儼為田祖於萬斯春苟謁民事
疇不要神我有盛服趁茲上辛昕夕一念在彼昫昫
條風孔時搏醪微糝可恤非農神本聖仁乞賜穰穰
萬億箱囷 右后稷氏○藝文
提學蔡濟恭製

祈穀親祭文

當辛丑

皇矣惟社民國之源自生民來天下同尊乃眷東土
既殖既蕃列祖崇報迄于寡人于以祈年綏我蒸民
右國社

至哉惟后德配乾健生民惟立邦國之本凡我有禱

文苑叢書

卷十八

祭文

神輒不吝靈墀穆穆神德孔迓祝以大有庶鑑齋謹

右后土氏

於赫惟神民賴爾極惠以百種食我八域惟歲豐儉
靡神曷卜蒼旂東迎節屆農作我祝祁祁嗣歲其熟

右國稷

恭惟姬祖倣載農稼德配炎皇化叶太社於休厥功
景彼幽雅穰穰之祝一聽神化右我儆我篤垂冥嘏

右后稷氏○藝
文提學金煜製

祈穀親祭文

當字癸卯

皇矣大社司我下土有神於赫厥施斯普國賴而奠

民得而穀以月之正其祈孔夙曷不繼述兩朝攸行

前歲攝將予實靡違寤寐斯惕爰及今春乞賜大有

敬薦羽禋

右國社

至哉惟后誕承靈隲陰功配乾厚德載物我稼穰儉

惟神是權有禱則應嘉惠靡愆予憂民天何安錦玉

迎春于東禮先祈穀惟享克誠敢不以躬歆茲齊明

陳錫哉豐

右后土氏

維神司稷大本攸殖釐以百種粒我八域云胡昨歲

三路歛穡神豈不佑予實自責臘雪呈瑞條風扇惠

豐兆嘉徵靈貺先筮蘇羸潤瘠政在今秋茲陳吉蠲

仰冀申休 右國稷

繫后播穀肇自數土功配炎皇德為田祖始教民稼
永養庶食有國是尊報祀靡忒為求多稔疇不要神
天回建寅日卜上辛虔我翼翼祈我穰穰願降冥佑
迄用其康 右后稷氏○藝文
提學徐有隣製

祈穀親祭文 當宁甲辰

於赫太社主我邦土協氣所感以雲以雨令辰祈穀
宜蒙神佑豐年穰穰庶積稌稌 右國社
維后土氏德配乾元發育萬物榮盛攸蕃今予齋誠
裡祀是將馨香之氣庶達厚坤 右后土氏

神是稼穡粒我萬民有稻有稌克廣其仁慄慄奉璋

薦此明裡庶垂冥佑康年其臻 右國稷

自播百穀受虞舜命茁我黍稷維神所性寡人躬祀

唯自祇敬冀賜康年以救萬姓 右后稷氏○大
提學黃景源製

祈穀親祭文 當宁丙午

於赫明神冢土是司我將我享載虔載祇匪敢微福
寔為民天歆我做我錫我康年 右國社

恭惟后土克配上帝允厥田功罔非神惠酌壘薦幣

獻爛炳勞其禱伊何兩順風調 右后土氏

繫神司稷與社同德有秩其祀有恒其式以月之正

其日維辛介以有年穰穰蒸蒸 右國稷

思文后稷曰維農師躬稼之德萬世攸資禮重報功

矧茲祈穀齋誠皎皎尚庶光格 右后稷氏○藝文提學趙琰製

祈穀親祭文 當寧丁未

於惟大社司我青土眷茲林蔥澤施斯普為民一念

錦玉靡安齊明盛服夙駕于壇燁彼犁星有拂條風

唯誠有格錫我年豐 右國社

皇矣維后配乾凝德博厚之功萬類攸殖光承嘉惠

靈應靡愆歲之云初祈穀是先有滌斯牲有馨斯盛

貽我穰穰為農夫慶 右后土氏

猗歟惟神寔主稼穡降此百種粒我八方云胡昨秋

民多阻食予實反躬神豈不慈潔粢登俎醇醪盈罍

佇拜嘉貺黃雲之野 右國稷

赫赫后稷允矣農師躬稼以率相土之宜民以為天

莫匪爾極一飯之頃敢忘神錫緬惟洪德親奠圭幣

多黍多稌用康斯歲 右后稷氏○大提學正鍾秀製

祈穀攝享祭文 當寧丁酉

有儼冢土大神攸寧厚德養民萬寶秋張今胡瘳稼

于止于東眇予嗣服元年月正恤焉望歲遣官薦牲

孔夙不懈微惠以誠薰飴膏雨助我太平錫以康年

豐我茨京 右國社

大哉泂濟坤德斯溥配社顯靈司是東土粒我蒸黎
萬億其虔矧予元歲宜篤神祐以孟之辛式薦牲俎
尚監歆餼降福孔臚震發土膏澍以甘乳徂原徂濕
多我黍稌 右后土氏

於赫神稷粒民為職暘之雨之奮我禾麥炎之滌之
屏彼螟螣綏以屢豐自古申錫咨予命紀元歲元朔
衍以牲醴祈以年穀誕垂冥隲佑茲初服函活嘉種
俾民允殖 右國稷

皇矣農師萬世之功規土教藝厥施斯鴻流惠無垠

祖賚大東閔予嫫疾攝官告哀肇自元年祈以屢豐

青陽載屆警告協風祀禮以辰牲幣攸同庶歆庶顧

稔我三農 右后稷氏○知
製教李獻慶製

祈穀攝享祭文 當宁戊戌

有國攸依寔惟大社厚德配乾陰功澤下庇佑兆庶
資成百稼寒燠若時雨暘隨化節屆陽發農功載野
我祈孔熟民受其嘏屢豐播頌嘉種登雅式遵典禮
庸薦洞竿 右國社

有赫句龍尸茲冢土載物利博配社德溥三農寔司
萬化斯鼓功著資生氣感雷雨日屆甲乙倣載田圃

祈以上瑞酌彼清醑既膏既潤多黍多稌用錫民天
寔賴神佑

右后土氏

國有大神絜維司稷輔成歲功誕降民食上辛云屆
肇服稼穡惠茲播種收及秭億澤調雨暘害去螟螣
慶頌三農歡均八域登熟有望馨香其德祇薦明誠
聿追邦式

右國稷

猗昔先農維稷是后克勤樹藝普育黎首星回益陔
有事南畝自古康年寔賴寔佑我種孔嘉迺積如阜
既受厥明報以大有民或阻飢神其執咎虔祈靈貺
用歲牲酒

右后稷氏○知
製教南鶴聞製

祈穀攝享祭文

當守壬寅

有恤太社寔司東土群氓所依百穀是主凡有祈禳
於焉必先維神孔惠其應不愆春秋用戊厥有常經
爾祖講禮又此祈辛粵自肇祀迄用康年肆予踐位
躬禱必虔今雖攝儀亦既省牲神庶降格綏我西成

右國社

皇矣句龍克配冢土乾化是承陰功斯普含弘施厚
並生成育百嘉函活資我康食肆昔先民為是三農
先求後報示本表功民厚其生神永厥享黜宰郎圭
我祀孔明禮舉莅省誠猶親將神其歆止降此農祥

右后土氏

於皇維稷五穀之長爰立其神與社同享是曰田祖
寔主我稼實穎以粟盈箱及秬宗粢既馨烝粒亦裕
斯為上瑞惟神所佑禮宜報本節屆祈歲嚴飾壇壝
恭展圭幣雪已三白斗又東指時將俶載先我寅祀

右國稷

有赫先農思文后稷詩云降種書曰播穀粒食興教
萬世永賴原始報本有社必配維茲新穰有秩其禮
將受厥明以興嗣歲求厥有相蕙我精禋樂侑幽雅
日涓周辛爰祝神釐要占農祥其庶顧享錫之穰穰

右后稷氏○內閣
知製教沈念祖製

祈雨親祭文

十年三遷神亦時恫獲戾既多宜棄寡躬惟茲極無
珍我田功民罔乃粒抑神之耻予用是懼負慝將事
怵惕壇場俯仰靡容先君之思倘不遐終願回真應
俾慰三農 右國社

惟神載物德配無疆粒我烝民祈報有常否德獲戾
罹此百殃思拾餘燼圖存既亡胡早斯酷更珍民望
神若降罰在予非民顯微一理庶許自新茲親圭璧
冀格明神 右后土氏

民惟邦本食為民天司穀介錫神化罔愆今胡亢旱
降災斯偏莫非不辟伊禍之延商眾多參周餘何辜
神人無間有誠斯孚為民請命圭璧是將冀垂霈澤
惠我四方

右國稷

神功在民界以康年國賴以安報祀克虔由予不穀
獲戾上下宜斷棄我闕茲神化徂夏猶乾何秋可
謝過哀籲神或垂諒秉圭徯徯彷彿靈貺庶霈甘
式副咸仰

右后稷氏○
李穀與製

預備

臨事有故替獻牲璧心如不祭誠或可格

祈雨親祭文

閔予不穀忝位無德逐年旱魃今歲更酷稼穡率瘁
山焦泉涸民命近止舉為溝瘠皆我之罪反躬自責
已繫羊豕將陳圭璧幸蒙神佑雷雨忽作微誠未展
響報何速九萬咫尺累增感激禱乾疾呼再三忘瀆
伏願明神俯賜歆格終始大惠俾洽甘澤

金堦製

祈雨親祭文

於赫國社寔秉化紐配天司土曰暘曰雨六府是資
百昌允殖有感必應厥理孔哲眇予小子忝膺曆服
獲戾于天實由涼德頻年大穀亢旱又酷大地洪爐

文苑叢書 卷一
十一
膏澤壅闕日杲星嗜泉枯野赤來牟率瘁播種愆期
滿路顛殍哀我民斯三農束手田畷啜泣含氣之屬
舉將靡孑無民無國勢急呼吸蚤暮憂焦方寸焚灼
念茲咎徵必有所召寅畏雖切怠志或售惠鮮雖勤
實澤未究王綱之肅非不惕念百隸玩愒習痼悠弛
國論之歧非不調停同朝燕越望絕和靖用捨之樞
實歎蕩平賞罰之柄未適重輕刑獄頻興豈無冤屈
守宰不揀甚至饗剝桴鼓之警推埋之發八路咸同
驛聞相續予任其咎民實奚辜庶幾懲愆用答譴怒
迺蠲牲璧載潔籩豆躬將禋事穆薦洞酌有孚願若

神應降格噓風叱雲亟霈甘霖蘇枯沃燒福我烝黔
右國社

恭惟后土厚德載物寔尸神樞垂佑效隲惟民是庇
為國之利永世允賴崇我報祀水旱災沴有禱必應
功化之博著在國乘予守丕基一心兢業大殺之餘
炎寇煽酷甘澤久闕大地焦赤野將無麥種又愆期
人殆畫劉國其疇依哀民無辜儘予有失寢興憂厲
心焉如灼躬薦明禋芬苾式蠲亟歆孚願兩我民田
右后土氏

恭惟國稷有邦所庇克炳厥靈化機是尸春秋紀典

終古罔愆民其永賴於萬斯年胡今寇虐彌月不雨
 出日杲杲焦茲下土播種既讐麩麥盡槁哀我烝徒
 天命近止夙宵憂煎若恫在已惟神斯赫寧不我顧
 予親將事偃僕以告苟予有辜宜予是譴民實何罪
 忍令靡孑亟斡玄樞俾霈甘澤佑我黔黎蘇我稼穡

右國稷

遠惟后稷力穡有秋烝黎迺粒萬世永曆有顛必應
 無感不通我報神受神福我蒙予實獲戾歲殺民感
 今茲旱乾亦孔之酷四野無青土焦泉涸數日不雨
 無民無國於赫明神胡寧忍此中宵不寐臨餐忘味

靜思厥由咎在一人恫彼無告何辜于民吉蠲為饗

躬薦明禋俯鑑孚願歆此泂酌亟許同雲惠以膏澤

右后稷氏○大
提學吳道一製

祈雨親祭文

於赫冢社職司東土奠我邦國德施斯普烝民允殖
 報祀靡懈不穀忝位自速災害此歲艱荒生類殆滅
 惟茲暵旱亦孔之烈自春暨夏大地焦赤小澤旋霽
 莫救枯涸靜思厥故天實垂責念昔成湯罪己以六
 苞首讒夫女謁宮室政以不節民以失職聖王猶然
 况在否德服念要囚詎無幽枉稱停國論尚乖和靖

文苑雜錄 卷十八
鰥寡可恤實惠未究謹直可獎言路或阻於此有一
宜致天怒憂心如灼庶幾警改咎皆在予民實何罪
代犧薦幣齋心請命尚垂靈佑甘澍遄降 右國社

仰惟靈祇德配乾元萬物資生功化無垠一理感通
靈應赫然由予失德獲戾于神頻歲大侵舉國顛連
值茲春夏災旱又酷日杲星嘒泉枯野赤百穀未播
兩麥俱萎哀我民斯大命近止念彼何辜咎在一人
視天懔懔心焉如焚罪實自知神豈不仁潔齋薦誠
冀蒙神賜庶霈靈澍蘇我穡事 右居士氏

於赫明神寔主稼穡功參六府祀尊一國庇我邦人

靈貺普被惟予寡昧素德不類陰陽之愆和氣壅闕
耗數民天荐歲災疾予遺產存冀獲蘇息胡寧忍是
早又此極其兩其兩日杲風淒雲雷乍興終靳霈施
麥秀既殞稻種莫入萬姓遑遑但有啜菘念茲咎徵
罪在不辟自省愆尤中夜凜惕罪旣在我宜降我譴
何辜于民俾絕其食惟神孔仁司我民命疾聲赴愬
寧莫我聽瞻仰昊天為我何求百嘉俱殄亦神之羞
迺蠲牲幣躬薦泂酌庶幹玄樞亟賜甘澤 右國稷
仰惟靈后功存播藝俾民乃粒莫非神惠萬世永賴
報以粢盛胡致亢旱病我耜耕節屆南訛膏澤終闕

含氣之類舉將靡子予實不德自速咎殃小民無辜
寧不盡傷既愆東作何望西成穀其大無神亦奚功
一理無間有感必通心懷痛怛不暇緩聲吉蠲為饗
躬執辨香薰施靈澤活我黎氓

右后稷氏○大
提學李會製

祈雨親祭文

神惟顯思冢土是主澤遍動植德施斯普民如不食
神亦奚托顧予忝位不克若德負愆既多示警宜亟
今茲之旱亦孔之酷百穀盡萎四郊無青罪實在予
何辜生靈小雨雖零亢陽旋曝苟失今日雖雨何益
既率圭璧誠切代牲庶霈甘澍蘇我群生

右國社

坤厚載物德合無疆尊配于社我祀孔暢凡動與植
咸資休澤惟予不辟譽尤是速徂茲南訛旱魃斯酷
屯膏不下零雨旋涸田疇龜坼黎庶魚喁種不入土
粢盛曷供仁媿長人禮缺事神予宜有罪可哀非民
咎已自知誠亦罔間庶賜大霈一洗亢暵

右后土氏

食為民天惟神是職惠以康年靈應不忒粒我烝民
云誰之極今其不吊蘊隆告凶南訛已晚並廢三農
麥既無秋禾又盡枯雖得零雨猶未足蘇民其靡子
國將何恃災必有名予實知媿循省譽尤非止六事
造壇秉璧罄心殫誠庶施玄功亟濟蒼生

右國稷

播時百穀亦既勞止來燕來寧寔隆報祀遂我三農
長我穡事古往今來民其誰恃閔茲旱酷未獲神佑
邦之永賴匪神曷叩大地洪爐已浹三朔何穀不萎
何源不涸民失其天國必隨亡究厥所名由予無良
宜罪一人活我萬姓願霈甘雨以鴻厥慶

閔點
製

右后稷氏
大提學

祈雨親祭文

國於天地有與立焉明神默佑玄化陰宣自我先王
享祀罔愆有事輒籲報答斯邁閔予小子不吊昊天
乃見降喪踐位初年噫嘻茲旱亦孔之哀春闕霖霖

夏絕雲雷民失麥食田疇草萊長川斷源卑土生埃
秧苗萎黃溝塍莫開三農缺望八域同災萬姓嗷嗷
大命近止若躬恫瘝心焉如燬並走群望神惠是俟
一日二日蘊隆愈熾靜言思之罪實在已始初之政
未合天意寧不我譎俾民罹殃曷不代牲以薦予誠
寡人有疾恐欠齊明一念耿耿夙夜憂傷敬固祈餘
儀或未遑茲釋衰絰玉帛是將纍然登壇告我疚感
冀回神聽遙降甘澤

右國社

於赫明靈下土是司厚德配天莫我黔黎由予否德
獲戾于神早魁斯虐越自早春種不入土麥枯其秀

灑雨旋霽車薪勺水淒風散雲日出杲杲大地如燬
瘁我萬實痛矣斯民于何從祿膝廬煢煢添我憂戚
要囚服念群望畢舉靜言俟命神不我許若旱在早
猶有後冀夏序垂盡穡事已棄予是用棘忘疾在身
潔誠殫禮躬薦明經神其祐之庶我憫憐一雨霽滯
慰此灼煎

右后土氏

民食為天國以民依民既闕食何以國為藐予小子
叨承丕基命哲命吉初服之時夙夜憂惕念我黔黎
視聽自我畏天明威由予德薄政多闕失治具不張
惠澤壅闕恬嬉成習架漏度日民罹水火衆弊紛滑

以哀籲天天心惻怛出災謹告逢此旱魃麥農大棄
播種過時三夏已盡禍迫燃眉失今不雨民無孑遺
咎實在予降災是宜何辜于民乃反橫罹倘民盡劉
亦神之羞日薦圭璧寧不我顧豈以攝行未達哀悽
昧昧我思將恐將懼庶殫吾誠薄言往愬病不暇恤
敢憚樞僕事不可緩禮有當怒齊心潔慮祀事躬親
冀賜一雨慰我萬民

右國稷

思文惟后倣藝黍稷烝民乃粒萬世之澤享祀報之
有國所重景既著明民聽攸聳神今忍予降此亢旱
靡草不黃靡物不暵麥萎于疇秧枯于畦三農縮手

望斷雲霓秋序不遠一霈終蓄哀我無辜舉將捐瘠
予主神人寧不盡傷以予之咎災及庶氓圭璧既卒
赦宥不靳兩意逾邈神胡我愠未克躬薦由我有疾
誠豈不足禮恐莫潔今來疾顛冀神恕我速施甘霖
使民頽果右后稷氏○大
提學李觀命製

祈雨親祭文

於赫冢社司我東土德施斯博邦賴永祐顧慚涼德
載違瘳怒千畦既盈一月無雨仍之虐颶曝以烈煦
嘉穎不遂赤子胡舖咎實在予靜言增懼載物蘇枯
唯神是佑躬詣壇壝冥既已溥尚垂靈佑造霈甘澍

右國社

至我靈后配乾無疆功著資生德叶直方降禧蠲孽
祈報有常節近西成我極恒暘三農始茂百穀用傷
由予否德致茲民殃內省愆尤宵旰靡遑捐瘠斯迫
匪神曷穰臨當祗詣已荷霈霽冀率靈澤沃此槁黃

右后土氏

惟神司稷稼穡庸懋粒我蒸黎孰非靈祐自予忝位
值歲游繆瘼矣斯早闕彼方茂芒黃穰焦穎實何有
萬方其珍道予愆咎右國稷

誕惟明神倣載播穀錫我黃茂貽爾饘餼維種維穫

文苑補遺

卷十八

祭文

二十四

莫非后德懌茲亢暎涉朔朶酷乍霏旋暘終屯膏澤
盡彼町畦將化稭穀繞禱清廟誠未孚格自慚司牧
匪民胡國倣造神壇嘉應斯亟庶幹玄樞俾霑滋渥

右后稷
文提學李堪製

祈雨親祭文

皇矣國社寔惟司土該載五氣生遂萬類功施斯博
邦其永賴比歲免歉亦荷神惠不幸今年復值蘊隆
晝燠如烘間以淒風屢旬靳霈乍注旋收千疇盡圻
百穀俱焦哀我生靈又將溝壑究厥所由寔予不德
言念及此靡安玉食殫誠躬禱冀賜甘澤

右國社

緬惟后土寔配于社澤民利物丕闡功化邦之不幸
值茲亢暎烈陽杲杲淒颼以間四野焦槁萬姓熬迫
哀彼赤子甫免填壑今又遭旱舉將殿屎由予涼德
式致災異思之至此心焉如灼亟詣靈壇恭薦圭璧
冀鑑此誠且念斯民亟施大霈庸沐仁恩

右后土氏

猗歟國稷民天是職載哺載育曷狀厥德比免阻飢
亦賴神澤今茲早乾曾是不度浹月不雨暫注且收
疇涸燥涸群黎憔悴豈伊民咎由予德薄中夜無寐
靜思多惕夫今不雨望斷秋獲齋心盛服躬行禱祝
陳缺 芩苾竭此悃臆反風降霈惠我邦國

右國稷

繫惟后稷稼穡之始蒸民乃粒曰是神庇值運不幸
逢此早暵燠陽如炎田野焦爛萬穀萎損群黎愁熬
惟今不雨望絕西收咎非在他自省多惡寢食靡安
不弛兢屬爰具儀物祗詣神壇誠禮俱竭遵豆斯陳
願垂陰佑亟賜滂澤用蘇枯槁俾民有食

右后稷氏
知製教

趙明
履製

祈雨親祭文

皇矣明神有秩斯怙曰雨曰暘嘉惠周普藐予丕德
值國艱步政未徯志治不師古時艱未濟良由不能
靡蘇之民將又何拯衣宵食旰日夕焦灼尚賴神臨

庶幾秋熟胡茲亢旱浹月彌酷其雨杲杲民將靡孑
三次祈禱靈應愈邈夙宵望雨誠亦未格曷不代犧
如恫于疾牲璧是蠲神豈忍忽亟霈甘澍俾我民活

右國社

於赫明靈下土是司維其載物惠我蚩蚩匪神不惠
予逢憚怒政既多糝天不我雨何草不隕何苗不黃
大地如燬稼穡率痒予實寡德民其曷辜萬姓望霓
來雨則蘇倬彼雲漢予心如灼晝齋夜禱身豈遑恤
請命于神靡愛牲璧尚庶鑑衷靈霈斯洽

右后土氏

奕惟明靈寔主稼穡嘉種有萬惟神之職時其潤養

民弗艱食胡瘕以旱田野皆坼靜念厥咎實由寡躬
惠未究下政多失中朝象乖離予不能濟民生殿屎
予不能惠怨興於下冥應於上靜言思惟慙焉慙惶
匪神靳惠予則多愆反咎難量奚翅湯六起瞻雲漢
中心如灼圭璧是將曷徐宜亟亟賜靈霈庶幾鑑格
右國稷

思文惟后傲藝黍稷烝民乃粒萬世之澤今茲亢旱
實嗣荐歎烈日杲杲風淒以慘麥既率瘁又將無菽
民之盡劉予將疇托寔予涼德政失其極德未調和
澤不普洽治歎皇極怨在藪屋豈伊民辜皆由不辟

代犧明庭圭璧是肅庶幾一霈靈貺靡忒

右后稷氏
○知製教

金尚
星製

祈雨親祭文 當字丁酉

有國有社於皇與立富媪之職育民乃粒尊以冢土
功利普洽自昔肇祀圭帛敬執青土芒芒穰穰降福
有事朝顙厥報在夕天胡不吊閔予恤宅投大遺艱
揚焉翼翼噫茲旱魃乃在元年自春徂夏久闕霈然
有滄萋萋玄功將宣淒其以風明星在天我牟率瘁
九歌愆期如彼棲苴民將靡遺職予德菲未孚神祇
治具靡張惠澤莫施悠泛恬嬉罔念倒懸哀籲并聞

帝庸惻焉降灾警告俾改前愆民實何辜橫罹貽貽
寧丁朕躬咎在一人耿耿憂傷若恫于身衰經敬釋
菲誠載伸神監哀疚雨我八垠右國社
田祖有神釐此百昌德配靈燾佑我茂黃迺播迺鋤
俾實俾房受神嘉惠我農以康是以有功于社與享
自我列祖昭事靡爽有禱斯應如桴之響今之驕寇
虐焰降罔山川滌滌朱陽熻熻川流源斷甫田龜坼
嘉苗耗數曷可驛驛天之降喪國將焉托神宜眷顧
恤此民生彼固何罪咎我不誠初政多闕獲戾神明
可哀非民寧朕自丁神載以水沃焦于野功加于人

德配于社勗我懋懋惠以純嘏我酒既清興舞如瀉
右后土氏

粒我烝民靡食何穀邦之有本依民以勗人瘼率荒
其何為國眇予涼德叨承寶曆祈天保民在厥初服
夙宵憂惕不遑寧息天實儆予降灾于民民則無辜
我不媚神充陽為沴夏而自春帝封江湖溝瀆揚塵
二麥萎黃野不昉昉大命近止人窮呼旻苟無子遺
亦神之羞胡不我顧俾也瘳憂維江維岳享儀孔修
圭璧既率庶幾怒尤誠未代犧忍見畫劉纒然躋壇
顛我明靈剡剡在上赫赫監誠惟社與稷昭假無羸

呵叱風伯鞭霆轟轟興雲瀟瀟百穀滿生曰雨曰暘
康我西成予其恭俟顧茲榮榮右國稷
思文后稷教我稼穡肇享于邰帝嘉厥德有播有穫
烝民粒食農夫之祖配于社稷施及於萬佑我東土
先祖是宜錫我純祐黃秀既堅民活以乳維其所賜
終善茂膺今夏之旱云何至斯杲杲出日其雨之時
雲或油然風以捲之下土將耗無年無秬神昔藝斯
普博養育如何以燔不終乃德貽我來年上帝有赫
天虛同雲神可降澤地升水氣神宜揚靈邠邠而作
迨茲其零靡神疇訴有醴斯馨寧不我聽瞻望嚶星

右后稷氏○大
提學李微之製

祈雨攝享祭文

藐予涼德不吊于天降災斯酷旱儉連年痒我稼穡
田疇龜坼赤子何辜舉將填壑省躬多慙夙夜憂懼
惟社有神封土是主寧不我顧有感必通庶幾降歆
用溥神功右國社

災沴之降必有所召今茲旱亢瘠我億兆神豈不佑
予實誠薄圭璧既率尚靳膏澤若恫在已疚焉內省
惟神主穀感應不爽茲涓吉日肅薦幣牲願霑甘澤
粒我黎氓右國稷

三才龍書 卷十八
后矣惟稷肇播五穀烝民乃粒寔賴厥德今胡暎乾
瘁我三農山川滌滌億兆喁喁顧予不辟一味憂懼
反躬自責思答天怒神若不卹民亦何依冀賜霈澤
救我年饑

右后稷氏
李殿相製

祈雨報謝祭文

粒我烝民莫泚爾極茲因大祀敬報神錫

大提學
李珥製

祈晴攝享祭文

有國所重維社維稷利用厚生皆賴土穀顧予涼德
不媚于神連年大侵哀我下民唯幸今春耕不失節
麥秀而茂苗興也勃寔神攸賜庶慰三農胡不幸惠

極備而凶淋浪兩月汨此東土疇沉滄決穗漂莖朽
蕩析滄溺外報日間蒼生何罪災實由君靜思厥咎
若隕淵谷再縈罔效匪神誰拯茲敢薦禋竭辭殫忱
願賜靈應快收滂霖

大提學南
龍翼製

文苑叢書卷之十八

